

34. Neque enim diabolus, omni sua potentiâ in unum collatâ, hominem naturalem, corpore & anima rationali constantem, vel solus, vel quovis alio humano interveniente medio gignere potest: & si quid huiusmodi aliquando evenisse legitur, quemadmodum de Satyris, Silenis, Tityris, Poeta & alij nugantur, non homines naturales, sed vel incarnatos diabolos, vel meras fuisse præstigas, constanter asseveramus.

De Incubis & succubis vide Augustinum l. 80. de Civit. D E I: & de Satyris ac huiusmodi monstris alijs Mythologiam Natalis Comitibus l. 5. cap.

8. & seqq.

35. De propagatione peccati Originalis, de qua in prima huius principalis questionis diexodo queri solet, paucis suam exponit Confessio sententiam asserens, in sive cum peccato nasci omnes: hoc est, Nascentes habere peccatum originis omnes, & sic per naturalem generationem id propagari in omnes, ac universos filios hominum.

Quæstio de
propagati-
one peccati

36. Scripturarum nimirum autoritatem ea sequitur, quæ Adamum filios non ad D E I, sed suam imaginem procreasse perhibet; & ad ipsum conceptionis momentum, contagij huius propagationem reducit. Gen. 5. 2. Ps. 51. 7,

K 5

Quemad-